

Uzimanje homeopatskih MORA Bioresonance lijekova

Ova brošura je pripremljena da bi ste dobili maksimalnu korist od homeopatskih **MORA Bioresonance** lijekova koje su vam preporučeni nakon terapije.

Homeopatski lijekovi nisu farmaceutski lijekovi. To su *“energetski”* lijekovi sa precizno određenim energetskim rezonancijama ili oscilacijama koje pomažu tijelu da se samo izliječi. Originalno, homeopatski lijekovi se pripremaju tako što se uzimaju razne supstance životinjskog, mineralnog i biljnog porijekla koje se onda razrjeđuju mnogo puta. Nivo razrjeđenja u homeopatiji se zove *“potencija”* koja ne sadrži molekule hemijske supstance od koje je nastala, već njenu *rezonantnu ili oscilatornu informaciju*. Upravo ta rezonantna informacija prouzrokuje da vaše tijelo reaguje na homeopatski lijek.

Kao što ste vidjeli, vaš homeopatski lijek je pažljivo pripremljen tokom terapije sa MORA Bioresonance mašinom koristeći **vaše sopstvene** ultra fine oscilacije da bi se postiglo perfektno podudaranje homeopatskog lijeka sa vama. Vaš homeopatski lijek je pripremljen elektronski, specifično za vas, sa izuzetno preciznom metodom MORA Bioresonance mašine i sadrži isključivo samo najpreciznije energetske oscilacije originalnih supstanci. Pripremljeni na ovaj način sa MORA Bioresonance mašinom vaši homeopatski lijekovi garantovano ne posjeduju niti jedan hemijski trag originalne supstance. Radi ove preciznosti homeopatski MORA Bioresonance lijekovi vam ne mogu naškoditi. Međutim, da bi ste iskoristili maksimalan benefit morate da pažljivo slijedite upute.

Vrlo je važno da razumijete da se ponekad mogu javiti određene reakcije *“čišćenja”* tijela. To je zato što su mnogi simptomi prouzrokovani čak i sa najmanjim tragovima toksičnih supstanci koje su ostale zatočene u vašem tijelu. Homeopatski MORA Bioresonance lijekovi će asistirati vašem tijelu da se očisti, nešto kao u smislu *“proljetnog čišćenja”*. Ako se toksini oslobode prebrzo možete osjetiti simptome kao što su na pr. prehlada, glavobolja, proljev i slično. Ponekad možete osjetiti ponavljanje simptoma prijašnje bolesti. Ako se pojave, ovi simptomi obično traju kratko vrijeme, najviše do nekoliko dana. Vrlo je važno da ne pokušavate da ih potisnete jer ćete zaustaviti proces čišćenja. Vrlo lako ćete izbjeći prejake reakcije ako pažljivo slijedite sva uputstva. Zato što je svako od nas individualan i drukčiji u svakom smislu, nemoguće je precizno odrediti dozu kao ni stepen reakcije. Prilagođavanje vaše doze i uzimanje dovoljne količine **čiste vode** koju **morate piti** je uglavnom dovoljno da izbjegnute prejake reakcije.

Pod **čistom vodom** podrazumijevamo vodu koja je **negazirana, alkalna (bazična)** i ima **nizak sadržaj rastvorljivih materija**. Alkalna (bazična) voda je voda sa Ph vrijednosti > 7.0 . Takva voda nipošto nije voda iz česme odnosno gradskog vodovoda! Za sada postoje dvije komercijalne vode na našem tržištu koje možete kupiti u supermarketima, a koje spadaju u ovu kategoriju. To su **Jana** i **Prolom**. Ove dvije vode se preporučuju kao dio terapije ukoliko nemate filter za vodu sa metodom reverzibilne osmoze i alkalizacije.

Dovoljna količina vode se izračunava u skladu sa **vašom tjelesnom masom**. Računa se da za normalan metabolizam za jedan dan tijelu treba 0.3L (3 dcL) čiste vode za svakih 10kg tjelesne mase. To znači da za osobu od 80kg dovoljna količina vode je 2.4L dnevno ($80\text{kg}/10 * 0.3\text{L} = 2.4\text{L}$). Voda se pije postepeno, između obroka, a nipošto naglo i u velikim količinama.

Vaši homeopatski MORA Bioresonance lijekovi su pripremljeni u vidu kapi u staklenoj bočici sa kapaljkom jer je vrlo važno da uzimate **tačan broj kapi**, a ne samo proizvoljno. Kao baza za impregniranje energetskih oscilacija koristi se standardni 0.9% NaCl odnosno fiziološka otopina. Slijedeća doza se pokazala kao najuspješnija u dosadašnjoj praksi:

Uputstvo:

Dan	Dnevna doza
0	Dan tretmana - lijek se ne uzima
1	3 x 1 kap
2	3 x 2 kapi
3	3 x 3 kapi
4	3 x 4 kapi
5	3 x 5 kapi
6	3 x 6 kapi
7	3 x 7 kapi
8	3 x 8 kapi
9	3 x 9 kapi
10	3 x 10 kapi
11	Prekinuti uzimanje lijekova

- Kapi se uvijek uzimaju 3 puta dnevno, podjezično. Najbolje je odmah nakon ustajanja, na pola dana i prije spavanja. Uzimajte kapi najmanje pola sata prije ili poslije jela/pića, nikada uz jelo/piće jer mirisi iz hrane/pića mogu da ponište djelotvornost kapi. Neke vrste hrane mogu u potpunosti da poniste djelotvornost kapi, a to su najčešće: kafa, bijeli luk, crveni i mladi luk, pepermint, jake arome i začini.
- Kapi uzimajte direktno iz kapaljke, ispod jezika, i to precizan broj kapi za taj dan. Stanite ispred ogledala da lakše kontrolirate ovaj proces. Kapi držite pod jezikom minimalno jedan minut prije nego ih progutate.
- Za djecu i vrlo senzitivne odrasle osobe preporučuje se da kapi utrljate u kožu sa unutrašnje strane lakta, u predjelu glavne vene. U slučaju da razvijete jaku reakciju nakon jedne kapi onda uzimajte kapi na ovaj način.
- U slučaju da razvijete jaku reakciju u toku terapije onda taj dan prekinite sa uzimanjem kapi, a slijedeći dan nastavite sa dozom od prijašnjeg dana. Na primjer, ako razvijete reakciju recimo 6. dan onda taj dan prekinite sa kapima, a onda 7. dan nastavite sa dozom od 5. dana (3 x 5 kapi) i tu dozu držite do 10. dana.
- **Izuzetno je važno da pijete dovoljno čiste vode** (vidi gore). Terapija sa MORA Bioresonance mašinom je dizajnirana da oslobodi nagomilane toksine iz vašeg tijela, a oni se moraju isprati vani. Jedna analogija kao primjer iz svakidašnjice: zamislite da koristite WC i da ne povlačite vodu... Većina reakcija se javlja prilikom oslobađanja toksina i ne pijenja dovoljne količine čiste vode! Ako se desi da imate reakciju onda povećajte količinu čiste vode.
- Ne pridržavanje uputstvima za pijenje vode i pravilnoj ishrani može vas staviti u poziciju **rezistencije ka terapiji!** Tada dolazi do acidoze tj. kiselosti unutaršnjeg miljea vašeg tijela. U slučaju acidoze dolazi do geliranja tekućine koja se nalazi između vaših stanica u tijelu i samim time obustavljanja razmjene materija sa obadvije strane zida stanice. Zato molim vas, **pijte vodu!**